



15. august 2022

UKA2022/54

Inatsisartut suleriaasianni § 33 naapertorlugu matumuuna aalajangiiffigisassatut siunneersuut tulliuuttoq saqqummiuppara:

2023 ilaatillugu aallarnerfigalugulu Ittoqqortoormiini aamma Tasiilami aqutsiveqarfinni qilalukkanut qaqortanut pisassiissutinik atuutilersitsinissaat pillugu Naalakkersuisut peqqusiffigineqarnissaannut Inatsisartunit aalajangiivigisassatut siunnersuut

(Inatsisartunut Ilaasortaq Jens NapātôK', Naleraq)

Tunngavilersuut:

Kalaallit Nunaata kangiani avannaarsua, sumiiffiuvoq Issittoqarfik annertoqisoq tupinnartorlu, nunarsuarmi sumiiffiusoq inuilaarsuaq annertoqisoq, Svalbard-imiit Kalaallit Nunaannut sumiiffik tamarmi inukitsuararsuaq, ilaatigut issittaqisoq, alianaatsorsuaq. Kalaallit Nunaata kangiani tamarmi Ittoqqortoormiit eqqaani kiisalu Tasiilap eqqaani taamaallaat imminut pilersornissamut ullumimut uumasunik piniarfiuvoq.

Inuit sumiiffimmi tamatuma najugaqarlutillu inuusut, ukiorpassuarni, pisuussuterpassuarnit annertoqisunit kinguaariikkuutaani amerlasuuni pinngortitap tunniuttagaanit imminnut pilersugarisimapput.

Killilersuutit, ungasissutsinut annertoqisunut tulluarsagaanngitsut, kiisalu inuuniarnermut atugassarititaasut pissutaallutik, ullumikkut amerlasuunut imminut ilaqutarisanillu pilersorniarneq ajornarluinnarsisimavoq.

Killilersuutit ingasappallaalersimapput, sumiiffinnilu taakkunani marluusuni innuttaasunut imminut pilersorniarneq ajornarsisimaqaaq.

Ullumikkut, pisassiissuteqarfiusunut pingasuusunut agguataarneqarsimasumi, tassaasuni Tasiilami, Kangerlussuarmi aammalu Ittoqqortoormiini qilalukkanik qernertanik aamma qaqortanik agguaassinermi, Kalaallit Nunaata kangiaata sineriaani qilalukkanut qaqortanut pisassiissuteqanngilaq, tassa qilalukkanik qaqortanik pisassaqqanngilaq, matuminngalu



Naleraq

siunnersuummik naleqquttumik pisassiisoqartariaqaraluartoq, taamaalilluni Ittoqqortoormiini aamma Tasiilami qilalukkanik qaqortanik iluaquteqartoqarsinnaaqqullugu.

Kalaallit Nunaata kangianut qilalukkanik qaqortanik pisassiinissaq inuuniarnermut pinngitsoorneqarsinnaangilaq, taamaalilluni qilalukkanik qaqortanik unioqqutitsinerunngitsumik pisaqartoqarsinnaalertariaqarluni.

Nalunaarummi Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaanni nr. 3, 27. januar 2017-imeersumi § 4 malillugu pisassiissutit aalajangerneqartarput.

Imm. 1-imi, nr. 1-4-mut ersippoq suut eqqarsaatigineqartariaqartut. Naleqqamiillu isumaqarpugut nunani tamalaani isumaqatigiissutit aammalu uumassusilissiuut (Biolog-it) siunnersuutaat kisiisa atugariinnarnagit, kisiannili sumiiffimmi piniartooq eqqarsaatigissallugu, aammalu piniarnerlu pillugu siunnersuisoqatigiinni ilaasortat aamma kommunit tusaassallugit Naalakkersuisut pisussaasut tunngavilersuutigissallugu pingaaruteqartoq.

Naleqqami isumaqarpugut atuisutut ilisimasaat aamma kultur-imik uumassusilinnillu illersuineq pillugit, sumiiffinni najugallit tusaaniassallugit pingaaruteqarluinnartoq, aammalu nunatta kangiaata sineriaani qilalukkanik qaqortanik pisassiissutinik agguaaassisoqarsimannginnera, aammaarluni ersersitsisoq, sumiiffimmut annertoqisumut tigussaasumik, piniariartarnermullu ileqqunik attassiinnartoqarnissaanut, suli isummertoqarsimanngitsoq, taamaalillunilu atuisut ilisimasaannik naammattumik (§ 4, imm. 1, nr. 3) aamma piniarnerlu pillugu siunnersoqatigiit ilaasortaannik aamma kommuninik (§ 4, stk. 1, nr. 4) tusarnaartoqarsimannginneranut ersiutaasoq.

Sumiiffimmi najugallit sumiiffimmik ilisimaarinnittuupput, arlaleriarlutillu ilisimasaminnik, sumiiffimmi qilalukkanik qaqortanik ilaanneeriarluni peqartarsimasooq, kiisalu Kalaallit Nunaata kangiani sumiiffiit ilaanni qilalukkanik qaqortanik amerleriartoqartarnera pillugu tikkuussisarsimallutik.

Aasap ingerlanerani pinerliornikkut qilalukkanik qaqortanik qulingiluanik pisaqartoqarpoq, sumiiffimmi qilalukkanik qaqortaqaqarneranik aammaartumik uppersaasumik, kisiannili piniartut tamakkuninnga pisaqarsinnaanerlutik qularsimasut, nalunaarutigigamikku allagartarisaminni kryds-



Naleraq

iliiffissaqarsimasoq, qilalukkanik qaqortanik qernertanilluunniit pisaqarnermi kryds-iliinissamut periarfissaqarfiusumik.

Piffissap ingerlanerani tunngavilersuutaasarsimavoq Kalaallit Nunaata kangiani qilalukkanik qaqortanik pisassiisoqartanninnissaanik innersuussisut nalunaarsuutit tamarmik, kukkusunik nutaanngippallaalersimasunilluunniit, kiisalu qarasaasiakkut paasissutissanik aamma misissuinernik kukkunertalinnik tunngaveqartarsimasut, taamaattumillu Naleqqamiit isumaqarpugut, Kalaallit Nunaata kangiani qilalukkanik qaqortanik naammattunik pisassiisoqassasoq.

Tamanna nuna issittoq pinnersoq pisuussuterpassualik, ukiup qanoq ilinerini assigiinngitsuni piniagassat assigiinngitsut takkussuuttarnerini, tupinnartumik eqqissinermik nuannaarnermillu tunisisinnaasarpoq.

Taamaattoq piniagassat ilaat ukiut tamakkiaqqissaarlugit takkuttanngillat, imarmiullu miluumasut ilaat, Nunatta kangiani avannaarsuaniit Svalbard-imiillu imarujussuarmit takkuttartoq tassaavoq qilalugaq qaqorta.

Qilalukkat qaqortat ikittut Ittoqqortoormiitut Tasiilamullu aqqusaartartut pizarineqartartussat, imarujussuarmit tamatumani uumasogatigiinnik nungutitsinaviannngillat ulorianartorsiortitsissanatilluunniit, taamaattumillu Ittoqqortoormiini Tasiilamilu pinngortitami pisuussuterpassuarnik, neqimik mattammillu imminut pilersornissamik atorluaasoqarsinnaannginnera paasiuminaalluinnarpoq.

Isumaqarpunga Kalaallit Nunaata Kangiani innuttaasut, nunami taama initutigisumi najugaqartut aammalu taama inukitsigisumi, pinngortitap tunniussinnaasaanik piniakkanik inuussuteqarsinnaasariaqartut neqimillu imminnut pilersorsinnaasariaqartut.

Unneqqarillutalu paasinnittuuniarta, qilalukkanik qaqortanik Ittoqqortoormiitut Tasiilamullu annertuumik pisassiigaluaruttaluunniit Kalaallit Nunaata Kangiata Avannaarsuata imarsuaniittut pinngortitarujussuaanersuarmit tamatumani uumasogatigiit navianartorsiortikkunannnginnatsigit.

Siunnersuummik tamatuminnga partiinit paasinniffigineqarumaarnera neriuutigaara tulluarsakkanillu innersuussutinik ikkussuumaartugut, taamaalilluni Naalakkersuisut siunnersuutinut, Inatsisartunut ilaasortanit Naalakkersuisunut saqqummiussaannut,



Naleraq

malinnaaffiginnissinnaassallutik Naalakkersuisullu piaarnerpaamik, qilalukkanik qaqortanik Ittoqqortoormiit Tasiilamullu atuutilersitsillutik pisassiissutinik tulluarsaassallutik.

Issittoq nilleqisoq tupinnartuuvoq nunarsuarmi inuilaarsuaq ikuttuinnaat aallarfigisagaat. Tamannalu uggornarpoq, tassami manna uumassusermik ujameriammat tamannalu nuna issittoq pinneqisoq tupinnartumik eqqissinermik tunniussisarpoq.

Aput sermerlu isigisinnaasamat tamarmut, iigartartorujussuit aamma iluliarsuit issittup imartaani eqqissisimaartullusooq. Nunani tamakkunani peqqarniitsuni, tusaamasarsuarniit nannuniit, meqqujoorsuarnut umimmannut, tuttunut aammalu issittup terianniaa ukialalu takuneqarsinnaapput.

Imaani tuugaalissuarnik aaveqarpoq, puiseqarluni soorngunalumi qipoqqarpassuaqarlunilu tikaagullippassuaqarpoq.

Siunnersuutip aningaasaqarnikkut allaffissornikkullu pisortanut kingunerisassai

Aningaasaqanermut allaffissornermullu atorfilittap ilinniagartuup ukiumut akissarsiaasa affaanik nalilimmik siunnersuut aningaasartuutaajumaartoq naatsorsuutigineqarpoq.

Siunnersuutip aningaasaqarnikkut allaffissornikkullu namminersorlutik inuussutissarsiortunut kingunerisassai

Soqanngilaq.

Siunnersuutip aningaasaqarnikkut allaffissornikkullu innuttaasunut kingunerisassai

Soqanngilaq.